

O'ZBEKISTON RESPUBLIKASI
VAZIRLAR MAHKAMASINING
QARORI



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

«31 » январь 2020 г.

№ 59

Toshkent sh.

**Олий таълим муассасалари талабаларига тўланадиган стипендиялар
микдорларини белгилаш ҳамда стипендиялар тайинлаш ва тўлаш
тартибини такомиллаштириш чора-тадбирларни тўғрисида**

Ўзбекистон Республикаси Президентининг “2019/2020 ўкув йилида Ўзбекистон Республикасининг олий таълим муассасаларига ўқишга кабул қилишнинг давлат буюртмаси параметрлари тўғрисида” 2019 йил 17 июндаги ПҚ-4359-сон карори ижросини таъмнилаш, шунингдек, олий таълим муассасалари талабалари учун стипендиялар тайинлаш ва тўлаш тартибини янада такомиллаштириш максадида Вазирлар Маҳкамаси қарор қиласди:

1. 2019/2020 ўкув йилидан бошлаб:

Ўзбекистон Республикаси Олий ва ўрта маҳсус таълим вазирлиги ҳамда Молия вазирлиги томонидан тажриба-синов тарикасида олий таълим муассасаларида давлат гранти ва стипендияли тўлов-контракт асосида таълим олаётган талабаларга (давлат гранти асосида таълим олаётган битирувчи курс талабалари бундан мустасно) стипендиялар базавий микдорда (400 минг сўм), шунингдек, “аъло” ўзлаштириш кўрсаткичига эга бўлган талабаларга стипендиялар базавий стипендия микдорига нисбатан қўшимча 15 фоиз микдорда тўланганини;

тўлов-контракт асосида таълим олии учун талабаларга уларнинг ўз хоҳишларига кўра, контракт кийматини стипендияли ёки стипендиясиз шаклда тўлаш тартиби жорий этилганлиги, бунда стипендияли тўлов-контрактлар таркибида базавий стипендия микдорининг йиллик суммаси назарда тутилганлиги маълумот учун кабул килинсин.

2. Олий таълим муассасалари талабаларига стипендиялар тайинлаш ва тўлаш бўйича 2019/2020 ўкув йилининг биринчи семестрида тажриба-синов тарикасида амалга оширилган ишлар натижасидан келиб чикиб Ўзбекистон Республикаси Олий ва ўрта маҳсус таълим вазирлиги, Молия вазирлиги ҳамда тизимида олий таълим муассасалари бўлган вазирликлар ва идораларнинг 2020 йил 1 февралдан бошлаб қўйидагиларни жорий қилиш тўғрисидаги таклифларига розилик берилсин:

давлат гранти, шунингдек, стипендияли тўлов-контракт асосида ўқитишининг ишлаб чиқаришдан ажralган ҳолдаги шакли (ўқитишининг

кундузги шакли) бўйича таълим олаётган талабаларни (2019/2020 ўкув йилида давлат гранти асосида таълим олаётган битирувчи курс талабалари бундан мустасно) қатъий белгиланган миқдорлаги базавий стипендия билан таъминлаш;

ўкув семестри якуни бўйича фанлардан фақат “аъло” ўзлаштириш кўрсаткичига (рейтинг кўрсаткичи – 86 балл ва ундан юкори) эга бўлган талабаларнинг стипендиясини базавий стипендияга нисбатан 20 фоизга оширилган ҳолда белгилаш;

ўкув семестри якуни бўйича фанлардан ўзлаштириш кўрсаткичларининг 30 фоиз ва ундан ортиқ қисми “қониқарли” баҳо (рейтинг кўрсаткичи – 71 баллдан кам) бўлган давлат гранти асосида таълим олаётган талабаларга (2019/2020 ўкув йилида давлат гранти асосида таълим олаётган битирувчи курс талабалари бундан мустасно) навбатдаги ўкув семестри мобайнида стипендия тайинламаслик;

тўлов-контракт асосида таълим олаётган 1 ва 2-гурух ногиронлиги бўлган ҳамда тўлик давлат таъмиотида бўлган етим болалар ва ота-она қарамоғидан маҳрум бўлган болалар сирасига кирувчи талабаларга стипендия тўловларини Ўзбекистон Республикасининг республика бюджети маблағлари ҳисобига амалга ошириш;

тегишли молия йилида олий таълим муассасаларида стипендия тўловлари учун режалаштирилган бюджет маблағларига нисбатан 10 фоиз ҳамда тўлов-контракт бўйича режалаштирилган тушумларнинг 2 фоиз миқдоридаги маблағлар ҳисобига Талабаларни рағбатлантириш жамғармасини (кейинги ўринларда Жамғарма деб аталади) ташқил этиш;

алоҳида қобилият ва иқтидор эгаси бўлган, жамоат ишларида фаол, шунингдек, ижтимоий ҳимояяга муҳтож давлат гранти ва тўлов-контракт асосида таълим олаётган барча талабаларни белгиланган стипендияларга нисбатан Жамғарма ҳисобига қўшимча равишда 50 фоизгача миқдорда рағбатлантириш;

Жамғарма маблағлари ҳисобига олий таълим муассасасида давлат гранти ва тўлов-контракт асосида таълим олаётган алоҳида иқтидорга эга, ҳалқаро, республика ва олий таълим миқёсида ўтказилган фан олимпиадалари ва спорт мусобақалари галиблари, шунингдек, олий таълим муассасаси кенгаши томонидан белгиланган мезонларга мувофиқ алоҳида ҳолларда (касаллиги ёки оила аъзоларининг вафоти каби) талабаларга базавий стипендияга нисбатан 10 бараваргача миқдорда бўлган бир марталик рағбатлантириш ёки моддий ёрдам тўловини жорий этиш.

3. Куйидагилар:

Олий таълим муассасалари талабаларига стипендиялар тайинлаш ва тўлаш тартиби тўғрисида низом 1-иловага мувофик;

Олий таълим муассасалари талабалари учун стипендияларнинг белгиланган миқдорлари 2-иловага мувофик тасдиқлансан.

4. Белгилаб қўйилсинки:

олий таълим муассасаларида давлат ғранти асосида таълим олаётган “аъло” (рейтинг кўрсаткичи –86 балл ва ундан юқори) ҳамда “яхши” (рейтинг кўрсаткичи – 71 балл ва ундан юқори) ўзлаштириш кўрсаткичларига эга бўлган талабаларга тажриба-синов тариқасида 2019 йил 1 сентябрдан 2020 йил 1 февралга қадар ҳакиқатда тўланган ҳамда Вазирлар Маҳкамасининг “Олий ўқув юртлари талабаларига стипендиялар тўлаш тартиби ва миқдорлари тўғрисида” 2001 йил 17 августдаги 344-сон қарори асосида тўланиши лозим бўлган миқдорлар орасидаги тафовут тизимида олий таълим муассасалари бўлган вазирликлар ва идораларга 2020 йил учун ажратилган Ўзбекистон Республикаси Давлат бюджети маблағлари доирасида қопланади;

2019/2020 ўқув йилида олий таълим муассасаларининг давлат ғранти асосида таълим олаётган битирувчи курс талабалари учун 2020 йил 1 февралдан бошлаб стипендиялар, истисно тариқасида, талабаларнинг ўзлаштириш баҳоларидан келиб чиқсан ҳолда З-иловага мувофик тўланади;

2019/2020 ўқув йилидан бошлаб тўлов-контракт асосида таълим оловчи номли давлат стипендиялари соҳиблари, 1 ва 2-гуруҳ ногиронлиги бўлган, тўлик давлат таъминотида бўлган етим болалар ва ота-она қарамогидан маҳрум бўлган болалар сирасига киравчи талабаларга стипендия тўловлари Ўзбекистон Республикасининг республика бюджети маблағлари хисобига амалга оширилишини инобатга олиб, уларга тегишли ўқув йили учун контракт қиймати миқдорини стипендиясиз шаклда тўлаш имконияти яратилади;

республика олий таълим муассасалари талабалари бўлган Ўзбекистон Республикасида яшаш гувоҳномасига ёхуд инвестиция визасига эга бўлган хорижий инвесторлар, шунингдек, уларнинг оила аъзолари олий таълим муассасаларида таълим олаётганда Ўзбекистон Республикаси фуқаролари учун назарда тутилган шартларда стипендия олишга ҳаклидирлар.

5. Ўзбекистон Республикаси Президентининг Давлат стипендияси ҳамда Беруний, Ибн Сино, Навоий, Улуғбек, Имом ал-Бухорий ва Ислом Каримов номидаги давлат стипендияларини оловчи талабаларга стипендиялар тайинлашда Вазирлар Маҳкамасининг “Ўзбекистон иқтидорли ёшларини тақдирлаш ва моддий рағбатлантириш тўғрисида” 2008 йил 13 октябрдаги 226-сон қарори билан белгиланган тартиблар саклаб қолинсин.

Бунда, 2019/2020 ўқув йилидан бошлаб номли давлат стипендияларини тўлаш билан боғлиқ харажатлар талабаларнинг давлат ғранти ёки тўлов-контракт асосида таълим олаётганидан қатъи назар Ўзбекистон Республикаси Давлат бюджети маблағлари хисобига қопланиши инобатга олинсин.

6. Ўзбекистон Республикаси Олий ва ўрта маҳсус таълим вазирлиги Молия вазирлиги билан биргаликда олий таълим муассасаларида стипендиялар тайинлашни янада такомиллантириш юзасидан, жумладан

ижтимоий адолат тамойилларига риоя қилган холда талабаларга “ижтимоий” ва “академик” стипендияларни жорий этиш механизмларини назарда тутувчи асосланган таклифларни 2020 йил 1 сентябрга қадар Вазирлар Маҳкамасига киритсин.

7. Ўзбекистон Республикаси Вазирлар Маҳкамасининг 4-иловага мувофик айрим қарорлари ўз кучини йўқотган деб хисоблансин.

8. Вазирлар Маҳкамасининг “Олий таълим муассасасида сиртқи (махсус сиртқи) ва кечки (сменали) таълимни ташкил этиш тартиби тўғрисидаги низомларни тасдиқлаш ҳақида” 2017 йил 21 ноябрдаги 930-сон қарорига (Ўзбекистон Республикаси ҚТ, 11-сон, 267-модда) 1-илованинг 12-банди куйидаги таҳрирда баён этилсин:

“12. Сиртқи (махсус сиртқи) таълимдан кундузги таълимга ҳамда сиртқи (махсус сиртқи) таълимнинг бир таълим соҳасидан иккинчисига кўчиришга рухсат берилади”.

9. Ўзбекистон Республикаси Олий ва ўрта махсус таълим вазирлиги манфаатдор вазирлик ва идоралар билан биргаликда ўзлари қабул қилган норматив-хуқуқий хужжатларни бир ой муддатда ушбу қарорга мувофиқлаштирун.

10. Мазкур қарорнинг бажарилишини назорат қилиш Ўзбекистон Республикаси олий ва ўрта махсус таълим вазири И.У. Маджидов зиммасига ҳамда Вазирлар Маҳкамасининг Таълим ва соғликни саклаш масалалари котнбиятига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2020 йил “ЗІ” январдаги 59-сон қарорига
1-илова

**Олий таълим муассасалари талабаларига стипендиялар
тайинлаш ва тўлаш тартиби тўғрисида
НИЗОМ**

1-боб. Умумий қондалар

1. Мазкур Низом давлат олий таълим муассасаларининг талабаларига (хорижий талабалардан ташқари) стипендиялар тайинлаш ва тўлаш тартибини белгилайди.

Ушбу Низом республикада фаолият кўрсатаётган хорижий олий таълим муассасалари, уларнинг филиаллари ва хусусий олий таълим муассасаларнга нисбатан татбиқ этилмайди.

2. Мазкур Низомда қўйидаги тушунчалардан фойдаланилади:

стипендия – олий таълим муассасаларида ўқитишнинг ишлаб чиқаришдан ажralган ҳолда (кейинги ўринларда ўқитишнинг кундузги шакли деб аталади) давлат гранти ҳамда стипендияли тўлов-контракт асосида таълим олаётган талабаларга (хорижий талабалардан ташқари) қонун хужжатларида назарда тутилган бошқа тўловлардан қатъи назар ойма-ой тўланадиган пул таъминоти;

стипендиянинг базавий миқдори – давлат гранти ҳамда стипендияли тўлов-контракт асосида таълим олаётган талабаларга тўланадиган стипендиянинг қонун хужжатларида белгиланган тартибда ўрнатиладиган энг кам миқдори;

стипендия комиссияси – олни таълим муассасаларида талабаларга стипендиялар тайинлаш учун ҳар бир ўқув йилида ўқув ишлари бўйича проректор (филиал директори ўринбосари) раислигида, факультетларнинг деканлари (бакалавриат даражасида факультет деканати мавжуд бўлмаган олий таълим муассасаларида – ўқув-услубий бўлим ёки бошқарма бошлиғи), касаба уюшмаси ва Ўзбекистон ёшлар иттифоқи бошланғич ташкилоти, академик гуруҳлар, бухгалтерия вакилларидан иборат таркибда ташкил этиладиган ҳамда олий таълим муассасасининг ректори (филиал директори) ёки унинг вазифасини бажарувчи шахс томонидан тасдиқланадиган комиссия;

ўзлаштириш (рейтинг назорати) кўрсаткичи – олий таълим муассасасида бакалавриат таълим йўналишлари (магистратура мутахассисликлари) ўқув режалари асосида ўтилган фанлар (машғулотлар) бўйича талабалар билим ва маҳоратининг синови натижалари;

ўзлаштираётган талаба – бундан аввалги ўқув семестри учун ўзлаштириш (рейтинг назорати) кўрсаткичлари бўйича академик қарзи мавжуд бўлмаган талаба;

Талабаларни рағбатлантириш жамғармаси – олий таълим муассасаларида ўқув семестри якуни бўйича фанларни ўзлаштираётган, алоҳида қобилият ва иқтидор эгаси бўлган, жамоат ишларида фаол, шунингдек, ижтимоий ҳимояга мухтоҷ талабаларни моддий кўллаб-куватлашни ташкил этиш жамғармаси.

3. Олий таълим муассасалари талабаларига ўқув семестри якуни бўйича фанлардан ўзлаштириш кўрсаткичлари, алоҳида қобилият ва иқтидорга эгалиги, жамоат ишларида фаоллиги, шунингдек, ижтимоий ҳимояга мухтоҷлиги каби мезонлардан келиб чиқиб стипендия комиссияси холосасига кўра, олий таълим муассасалари талабалари учун стипендияларнинг белгиланган миқдорлари асосида стипендия тайинланади ва бошқа рағбатлантириш чоралари кўрилади.

2-боб. Давлат гранти асосида таълим оловчи талабаларга стипендия тайинлаш ва тўлаш тартиби

4. Олий таълим муассасаларида давлат гранти асосида ўқитишнинг кундузги щаклида таълим оловчи талабаларга стипендия тўловлари Ўзбекистон Республикасининг республика бюджети маблағлари ҳисобига амалга оширилади.

5. Биринчи курс талабаларига ўқув йилининг 1-семестри якуни бўйича фанлардан ўзлаштириш кўрсаткичлари (баҳолари) маълум бўлгунга қадар стипендиянинг базавий миқдорида стипендия тайинланади ва тўланади.

6. Аввалги ўқув семестри натижаларига кўра стипендиялар:

а) куйидаги тартибда тайинланади ва тўланади:

барча фанлар бўйича ўзлаштириш кўрсаткичи факат “аъло” баҳо (рейтинг кўрсаткичи – 86 балл ва ундан юқори) бўлган талабаларга стипендиянинг базавий миқдори 20 фоизга оширилган ҳолда;

фанлардан ўзлаштириш кўрсаткичларининг 30 фоизидан кам қисмини “қониқарли” баҳога (рейтинг кўрсаткичи – 71 баллдан кам) ўзлаштираётган талабаларга – стипендиянинг базавий миқдорида;

б) фанлардан ўзлаштириш кўрсаткичларининг 30 фоизи ва ундан ортиқ қисми “қониқарли” баҳо (рейтинг кўрсаткичи – 71 баллдан кам) бўлган талабаларга (тўлиқ давлат таъминотида бўлган етим болалар ва ота-она қарамоғидан маҳрум бўлган болалар сирасига кирувчи ҳамда 1 ва 2-гуруҳ ногиронлиги бўлган талабалар бундан мустасно) навбатдаги ўқув семестри мобайнида стипендия тайинланмайди.

3-боб. Тўлов-контракт асосида таълим оловчи талабаларга стипендия тайинлаш ва тўлаш тартиби

7. Тўлов-контракт асосида таълим олаётган талабаларга ўз хоҳишлирга кўра, контракт қийматини стипендияли ёки стипендиясиз шаклда тўлаш хуқуқи берилади.

Стипендияли тўлов-контракт таркибига базавий стипендия микдорининг йиллик суммаси киритилади ҳамда стипендия йил мобайнида ойма-ой тўлаб борилади.

8. Олий таълим муассасаларида стипендияли тўлов-контракт асосида таълим олаётган талабаларга ўкув семестри якуни бўйича фанлардан ўзлаштириш кўрсаткичларидан қатъи назар базавий микдордаги стипендия тайинланади ва тўланади.

9. Олий таълим муассасаларида стипендияли тўлов-контракт асосида таълим олаётган талабаларга стипендиялар белгиланган тартибда улар томонидан тўлов-контракт суммаси тўланганидан кейин берилади.

4-боб. Номли давлат стипендияларини тайинлаш ва тўлаш тартиби

10. Ўзбекистон Республикаси Президентининг Давлат стипендияси ҳамда Беруний, Ибн Сино, Навоий, Улугбек, И мом ал-Бухорий ва Ислом Каримов номидаги Давлат стипендияларини олувчи талабаларга стипендиялар тайинлаш Вазирлар Маҳкамасининг “Ўзбекистон иқтидорли ёшлигини тақдирлаш ва моддий рағбатлантириш тўғрисида” 2008 йил 13 октябрдаги 226-сон қарори билан тасдиқланган Талабалар учун Ўзбекистон Республикаси Президентининг давлат стипендиялари ва уларни тайинлаш тартиби тўғрисидаги низом ҳамда Давлат стипендиялари ва уларни тайинлаш тартиби тўғрисидаги низомда белгиланган тартиблар асосида амалга оширилади.

11. Номли давлат стипендияларини тўлаш билан боғлиқ харажатлар талабаларнинг давлат гранти ёки тўлов-контракт асосида таълим олаётганидан қатъи назар Ўзбекистон Республикасининг республика бюджети маблағлари ҳисобига қопланади ва стипендия соҳибларига белгиланган микдорларда стипендия тайинланади ва тўланади.

5-боб. 1 ва 2-гуруҳ ногиронлиги бўлган талабаларга стипендия тайинлаш ва тўлаш тартиби

12. 1 ва 2-гуруҳ ногиронлиги бўлган, жумладан, тўлов-контракт асосида таълим олувчи талабаларга стипендия тўловлари Ўзбекистон Республикасининг республика бюджети маблағлари ҳисобига амалга оширилади.

13. Аввалги ўкув семестри якуни бўйича фанлардан ўзлаштириш кўрсаткичларидан қатъи назар 1 ва 2-гуруҳ ногиронлиги бўлган ўзлаштираётган талабаларга стипендиянинг базавий микдорига иисбатан 50 фоиз юқори (оширилган) микдорларда стипендия тайинланади ва тўлаиади.

6-боб. Тўлиқ давлат таъминотида бўлган етим болалар ва ота-она қарамоғидан маҳрум бўлган болалар сирасига кирувчи талабаларга стипендия тайинлаш ва тўлаш тартиби

14. Тўлиқ давлат таъминотида бўлган етим болалар ва ота-она қарамоғидан маҳрум бўлган болалар сирасига кирувчи, жумладан, тўлов-контракт асосида таълим олувчи талабаларга стипендия тўловлари

Ўзбекистон Республикасининг республика бюджети маблаглари ҳисобига амалга оширилади.

15. Аввалги ўкув семестри якуни бўйича фанлардан ўзлаштириш кўрсаткичларидан қатъи назар тўлик давлат таъминотига бўлган ўзлаштираётган етим болалар ва ота-она қарамогидан маҳрум бўлган болалар сирасига кирувчи талабаларга базавий стипендия миқдорида стипендия тайинланади ва тўланади.

7-боб. Талабаларни рағбатлантириш жамғармасини шакллантириш ва жамғарма маблағлари ҳисобига талабаларга моддий рағбатлантиришларни тайинлаш ва тўлаш тартиби

16. Талабаларни рағбатлантириш жамғармаси (кейинги ўринларда Жамғарма деб аталади) маблағларидан фойдаланиш, Жамғарма маблағлари ҳисобига талабаларни моддий қўллаб-қувватлаш олий таълим муассасасининг кенгаши томонидан тасдиқланадиган тартибга мувофиқ амалга оширилади.

Жамғарма маблағларидан давлат гранти ва тўлов-контракт асосида таълим олаётган талабаларга тўлов кайси шаклда (стипендияли ёки стипендиясиз) амалга оширилишидан қатъи назар, белгиланган мезонлар асосида рағбатлантириш тўловлари тайинланади.

17. Жамғарма маблағларини шакллантириш манбалари қуидагилар ҳисобланади:

тегишли молия йилида олий таълим муассасаларида стипендия тўловлари учун режалаштирилган бюджет маблагларига нисбатан 10 фоиз миқдоридаги маблағлар;

тегишли молия йилида тўлов-контракт бўйича режалаштирилган тушумларнинг 2 фоизи миқдоридаги маблағлар.

18. Олий таълим муассасаларида тўлов-контракт асосида таълим олаётган (стипендияли ёки стипендиясиз шаклда эканлигидан қатъи назар), ўкув семестри якуни бўйича фанлардан ўзлаштириш кўрсаткичлари “аъло” баҳо (рейтинг кўрсаткичи 86 балл ва ундан юқори) бўлган талабалар стипендиянинг базавий миқдорига нисбатан 20 фоиз миқдорида Жамғарма ҳисобига рағбатлантирилади.

19. Ўкув семестри якуни бўйича фанларни ўзлаштираётган, алоҳида қобилият ва иқтидор эгаси бўлган, жамоат ишларида фаол, шунингдек, ижтимоий ҳимояга муҳтоҷ давлат гранти ва тўлов-контракт асосида таълим олаётган барча талабалар белгиланган стипендияларга нисбатан кўшимча равишда Жамғарма маблағлари ҳисобига 50 фоизгача миқдорда рағбатлантирилиши мумкин.

Бунда, олий таълим муассасаларида стипендиясиз тўлов-контракт асосида таълим олаётган ва ўкув семестри якуни бўйича фанларни ўзлаштираётган талабалар кўшимча равишда Жамғарма маблағлари ҳисобига

базавий стипендияга нисбатан 50 фоизгача миқдорда рағбатлантирилиши мумкин.

20. Жамғарма маблаглари ҳисобига олий таълим муассасасида давлат гранти ва тўлов-контракт асосида таълим олаётган алоҳида иқтидорга эга, халқаро, республика ва олий таълим миқёсида ўтказилган фан олимпиадалари ва спорт мусобақалари ғолиблари, шунингдек, олий таълим муассасаси кенгаши томонидан белгиланган мезонларга мувофиқ алоҳида ҳолларда (касаллиги ёки оила аъзоларининг вафоти каби) талабаларга базавий стипендияга нисбатан 10 бараваргача миқдорда бўлган бир марталик рағбатлантириш ёки моддий ёрдам тўлови берилиши мумкин.

Бунда, стипендия тўловларига ажратилган Ўзбекистон Республикасининг республика бюджети маблагларининг ҳисобот даври якуни бўйича бўшаб қолган қисмини талабаларни қўшимча равишда моддий рағбатлантиришга йўналтиришга рухсат берилади.

8-боб. Талабаларга стипендия тайинлаш ва тўлашни амалга оширувчи стипендия комиссиялари ишини ташкил этиш

21. Стипендия тўлаш учун стипендия комиссияси тавсия этган талабаларнинг рўйхатлари олий таълим муассасаси ректорининг (филиал директорининг) ёки унинг вазифаларини бажарувчи шахснинг буйруги билан тасдиқланади.

22. Ўзлаштираётган талабаларга стипендия тайинлаш ўқув йилида икки маротаба ўтказилади ва стипендия аввалги семестр якуний назорат натижалари эълон қилинганидан сўнг, ҳар бир ўқув семестри ойининг биринчи кунидан бошлаб тайинланади.

23. Давлат гранти асосида таълим олаётган, ўқув семестри учун ўзлаштириш натижалари бўйича узрсиз сабабларга қўра академик қарзи (бир ёки ундан ортиқ фанлар бўйича 55 фоиздан кам рейтингга) бўлган олий таълим муассасаларининг талабалари кейинги ўқув семестри ойининг биринчи кунидан бошлаб стипендия олиш ҳукуқидан маҳрум қилинади.

24. Белгиланган тартибда академик қарзинн бартараф этган (тегишли фанлар бўйича 55 ва ундан ортиқ фоиз тўплаган) ва фанлардан ўзлаштириш кўрсаткичларининг 30 фоиздан кам қисми “қониқарли” баҳо (рейтинг кўрсаткичи 71 баллдан кам) бўлган давлат гранти асосида таълим олаётган талабаларга стипендия академик қарзни бартараф этиш муддати тугаганидан кейинги ойининг биринчи кунидан бошлаб, стипендиянинг базавий миқдорида кейинги ўқув семестрига қадар тайинланади.

25. Касаллиги ёки тегишли ҳужжатлар билан тасдиқланадиган бошқа узрли сабабларга қўра, академик қарзи бўлган талабалар академик қарзларини конун ҳужжатларида белгиланган муддатларда бартараф этгунларига қадар стипендиядан маҳрум этилмайдилар.

26. Ўқув режаси асосида амалга оширилган малака амалиётлари ва таътиллар даврида талабаларнинг стипендия олиш ҳукуқи сақланади.

27. Пенсия оладиган талабаларга стипендия умумий асосларда тайинланади.

28. Талабаларга академик таътил даврида стипендия тўланмайди.

Талаба академик таътилдан қайтганидан кейин унга стипендия тўлаш стипендиянинг базавий миқдорида жорий ўкув семестрининг охирига қадар тикланади (стипендиясиз тўлов-контракт асосида таълим олаётган талабалар бундан мустасно).

29. Ўз хоҳишига кўра, ўқиши бошқа олий таълим муассасасига кўчирилиши, саломатлиги (тиббий комиссия маълумотномаси асосида), ўкув интизоми ва олий таълим муассасасининг ички тартиб ва одоб-ахлоқ қоидаларини бузганлиги, бир семестр давомида дарсларни узрли сабабларсиз 74 соатдан ортиқ қолдирганлиги, ўқиш учун белгиланган тўловлар ўз вақтида амалга оширилмаганлиги, талаба суд томонидан озодликдан маҳрум этилганлиги муносабати билан олий таълим муассасасидаи четлатилган талабалар ўқишига тикланганда мазкур ўкув семестри учун стипендия базавий миқдорда тайинланади (стипендиясиз тўлов-контракт асосида таълим олаётган талабалар бундан мустасно).

30. Ҳомиладорлик ва туғиши таътили даври учун талабаларга стипендия конун хужжатларида белгиланган Муддатлар мобайнида умумий асосларда тўлиқ миқдорда тўланади.

2 ёшгача боласи бўлган ва ўқишини таълимнинг кундузги шаклида давом эттираётгани талаба аёлларга стипендия умумий асосларда тўлиқ миқдорда тўланади. Бола 2 ёшга тўлгунига қадар уни парваришлиш таътилида бўлиш даврида стипендия тўланмайди.

31. Белгиланган тартибда бир олий таълим муассасасидан (факультетдан) бошқасига, шунингдек, таълимнинг сиртқи шаклидан кундузги шаклига ўтказилган талабаларга стипендия улар томонидан баҳолаш (рейтинг назорати) натижалари бўйича, ўкув режаларидағи тафовутлар бартараф этилганидан кейин тайинланади.

Академик қарз мавжуд бўлмаганида стипендия академик маълумотномада (рейтинг дафтарчасида) кўрсатилган, аввалги ўкув жойидаги баҳолаш (рейтинг назорати) натижалари бўйича тайинланади ва янги ўкув жойига қайд этилган пайтдан бошлаб олий таълим муассасаси ректорининг (филиал директорининг) ёки унинг вазифаларини бажарувчи шахснинг буйруғи асосида тўланади.

Ўқишини бир олий таълим муассасасидан бошқасига кўчираётган талабаларга ёзги таътил вақтида стипендия тўлаш уларнинг ўқишини кўчиришдан аввалги таълим олган олий таълим муассасалари томонидан амалга оширилади.

32. Стипендияли тўлов-контракт миқдори битирувчи курс талабалари томонидан июль ва август ойлари учун базавий стипендия суммаси (қисмларга бўлиб тўланганда – охирги ўкув семестридаги) тўлов-контракт миқдоридан чегирилган ҳолда тўланади.

Бунда, чегириб қолинаётган стипендия суммаси талабага тўланадиган базавий стипендиянинг жорий даврдаги белгиланган микдоридан келиб чиқиб аниқланади.

33. Талабаларнинг стипендияларидан ушлаб қолинишига йўл қўйилмайди.

Талабаларга стипендия тўловларини тўғри тайинлаш ва тўлаш устидан назорат қилиш олий таълим муассасасининг стипендия комиссиясига юкланди.

9-боб. Якунловчи қоида

34. Мазкур Низом талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

Вазирлар Маҳкамасининг
2020 йил “31” январдаги 59-сон қарорига
2-илова

**Олий таълим муассасалари талабалари
учун стипендияларнинг белгиланган
МИҚДОРЛАРИ***

Т/р	Стипендия номи ва қўшимча тўловлар	Стипендия миқдори (бир ойда, сўм)
1.	Ўзбекистон Республикаси Президентининг Давлат стипендияси	1 811 191
2.	Беруний, Ибн Сино, Навоий, Улугбек, Ином ал-Бухорий ва Ислом Каримов номидаги давлат стипендиялари	1 207 461
3.	Давлат гранти асосида, шунингдек, бир йиллик ўқитиш кийматининг стипендияли тўлов-контракт асосида таълим олаётган, барча фанлар бўйича факат “аъло” ўзташтириш кўрсаткичига (рейтинг кўрсаткичи 86 балл ва ундан юқори) эга бўлган талабалар учун стипендия	513 600
4.	Давлат гранти, шунингдек, стипендияли тўлов-контракт асосида таълим олаётган талабалар учун базавий стипендия	428 000
5.	1 ва 2-гурух ногиронлиги бўлган талабалар учун стипендия	белгиланган стипендияларга нисбатан 50 фоиз юқори миқдорда назарда тутилади
6.	Алоҳида қобилият ва иктидор эгаси бўлган, жамоат ишларида фаол, шунингдек, ижтимоий химояга муҳтож талабалар учун қўшимча тўлов**	белгиланган стипендияларга нисбатан 50 фоизгача юқори миқдорда назарда тутилади

*) Ўзбекистон Республикаси Президентининг ши ҳақи, пенсиялар, стипендиялар ва нафақалар миқдорини ошириши тўғрисидаги фармонлари қабул қилиниши муносабати билан олий таълим муассасалари талабалари стипендияларининг базавий миқдорлари ўзгарган тақдирда, Ўзбекистон Республикаси олий ва ўрта маҳсус таълим вазирининг буйруғи билан олий таълим муассасалари талабалари стипендияларининг жадвага кўрсатилган миқдорларига тегисли ўзгартишилар киритилади.

**) Талабаларни рагбатлантириши жамғармаси маблагиари хисобига амалга оширилади.

Вазирлар Маҳкамасининг
2020 йил “31” январдаги 59-сон қарорига
З-илова

**2019/2020 ўқув йилида олий таълим муассасаларининг давлат гранти
асосида таълим олаётган битирувчи курс талабалари учун талабаларнинг
ўзлаштириш баҳоларидан келиб чиқсан ҳолда тўланадиган стипендиялар
МИҚДОРИ**

T/р	Рейтинг кўрсаткичи	Стипендия микдори, сўм
1.	Рейтинг назорати натижаларига эга талабалар:	
	86-100 балл	804 974
	71-85 балл	603 730
	55-70 балл	402 487
2.	Етим болалар ва ота-она қарамоғидан маҳрум бўлган болалар сирасига кирувчи, рейтинг назорати натижаларига эга талабалар:	
	86-100 балл	873 576
	71-85 балл	655 182
	55-70 балл	436 788
3.	Давлат таъминотида бўлган етим болалар ва ота-она қарамоғидан маҳрум бўлган болалар сирасига кирувчи, рейтинг назорати натижаларига эга талабалар:	
	86-100 балл	768 134
	71-85 балл	576 101
	55-70 балл	384 067
4.	Олий таълим муассасаларида математика, амалий – математика ва информатика, ахборот технологиялари ва ахборот хавфсизлиги мутахассисликлари бўйича таълим олаётган, рейтинг назорати натижаларига эга талабалар:	
	86-100 балл	876 070
	71-85 балл	657 053
	55-70 балл	438 035
5.	Кар-соқов ва кўзи ожиз талабаларга стипендия белгиланганга нисбатан 50 фоиз юқори микдорда назарда тутилади	

Вазирлар Маҳкамасининг
2020 йил “ЗГ” январдаги 59-сон қарорига
4-илова

**Ўзбекистон Республикаси Ҳукуматининг ўз кучини йўқотган
деб хисоблангаётган қарорлари
РЎЙХАТИ**

1. Вазирлар Маҳкамасининг “Олий ўкув юртлари талабаларига стипендиялар тўлаш тартиби ва миқдорлари тўғрисида” 2001 йил 17 августдаги 344-сон қарори (Ўзбекистон Республикаси КҲТ, 2001 йил, 15-16-сон, 105-модда).

2. Вазирлар Маҳкамасининг “Ўзбекистон Республикаси Ҳукуматининг айrim қарорларига ўзгартириш ва қўшимчалар киритиш, шунингдек баъзиларини ўз кучини йўқотган деб хисоблаш тўғрисида” (Ўзбекистон Республикаси Президентининг “Ўзбекистон Республикасининг биринчи президенти Ислом Абдуғаниевич Каримовнинг хотирасини абадийлаштириш тўғрисида” 2017 йил 25 январдаги ПҚ-2744-сон қарори) 2017 йил 23 июндаги 417-сон қарорига илованинг 2-банди.

3. Вазирлар Маҳкамасининг “Хорижий инвесторлар учун инвестиция визаси жорий этилганлиги ҳамда улар ва уларнинг оила аъзоларининг республика худудида бўлиши учун қўшимча қулай шарт-шароитлар яратилганлиги муносабати билан Ўзбекистон Республикаси Ҳукуматининг айrim қарорларига ўзгартириш ва қўшимчалар киритиш тўғрисида” 2019 йил 11 октябрдаги 864-сон қарорига илованинг 2-банди.

